



**O‘ZBEKISTON RESPUBLIKASI PREZIDENTI HUZURIDAGI
STATISTIKA AGENTLIGI**

2024- yil “14” may

BUYRUQ № 104

Toshkent sh.

O‘zbekiston Respublikasining “Rasmiy statistika to‘g‘risida”gi Qonuni, O‘zbekiston Respublikasi Prezidentining 2024- yil 4- martdagi “O‘zbekiston Respublikasi Prezidenti huzuridagi Statistika agentligi faoliyatini tashkil etish chora-tadbirlari to‘g‘risida” PQ-114-son qarori ijrosini ta‘minlash, statistika ma‘lumotlarini tarqatish va taqdim etish ishlarini yanada takomillashtirish hamda rasmiy statistika ma‘lumotlarini majburiy tarqatish reyestrini yuritish uslubiyatini yanada takomillashtirish maqsadida, **BUYURAMAN:**

1. “O‘zbekiston Respublikasi Prezidenti huzuridagi Statistika agentligining Rasmiy statistika ma‘lumotlarini majburiy tarqatish reyestrini yuritish Reglamenti” ilovaga muvofiq tasdiqlansin.

2. Statistika agentligi markaziy apparati tegishli tarmoq boshqarma va bo‘lim boshliqlari statistika byulletenlarining sifatli va o‘z muddatlarida tayyorlanishi hamda majburiy tarqatish reyestriga muvofiq tegishli idoralarga doimiy ravishda yetkazib borilishini nazoratga olsinlar.

3. Davlat statistika qo‘mitasining 2022- yil 30- iyundagi 49-son buyrug‘i o‘z kuchini yo‘qotgan deb hisoblansin.

4. Mazkur buyruq tasdiqlangan kundan e‘tiboran kuchga kiradi.

Direktor

B. Begalov

**O'zbekiston Respublikasi Prezidenti huzuridagi Statistika
agentligining Rasmiy statistika ma'lumotlarini majburiy tarqatish
reyestrini yuritish reglamenti**

O'zbekiston Respublikasi Prezidenti huzuridagi Statistika agentligining Rasmiy statistika ma'lumotlarini majburiy tarqatish reyestrini yuritish reglamenti (bundan buyon matnda – Reglament deb yuritiladi), O'zbekiston Respublikasi Prezidentining 2024-yil 4-martdagi "O'zbekiston Respublikasi Prezidenti huzuridagi Statistika agentligi faoliyatini tashkil etish chora-tadbirlari to'g'risida" PQ-114-son qarori ijrosini ta'minlash maqsadida, Statistik ma'lumotlarni ishlab chiqish jarayonlarining namunaviy modeli (Generic Statistical Business Process Model-GSBPM) talablari asosida ishlab chiqilgan bo'lib, Statistika agentligining Rasmiy statistika ma'lumotlarini majburiy tarqatish reyestrini (bundan buyon matnda – Reyestr deb yuritiladi) yuritish tartibini belgilaydi.

1-bob. Umumiy qoidalar

1. Mazkur reglament GSBPMning tarqatish bosqichi doirasida axborot resurslarida ma'lumotlarni yangilashga tayyorlash, materiallarni tarqatish uchun tayyorlash jarayonlarini o'z ichiga oladi.

Ushbu Reglament, qo'shimcha ishlov berilishi talab etiladigan, tarkibida individual ma'lumotlar, davlat siri va qonun bilan muhofaza qilinadigan boshqa sirlarga ega rasmiy statistika ma'lumotlariga nisbatan qo'llanilmaydi.

2. Ushbu Reglamentda quyidagi asosiy tushunchalardan foydalaniladi:

statistika ma'lumotlari – statistika kuzatuvlari natijasida va (yoki) ma'muriy ma'lumotlar asosida tayyorlangan iqtisodiy, demografik, ijtimoiy, moliyaviy, ekologik xususiyatga hamda boshqa xususiyatga ega axborot;

rasmiy statistika – O'zbekiston Respublikasining "Rasmiy statistika to'g'risida"gi Qonuni qoidalariga muvofiq davlat statistika organlari va rasmiy statistikaning boshqa tayyorlovchilari tomonidan tayyorlanadigan hamda tarqatiladigan statistika ma'lumotlari;

individual ma'lumotlar – statistik birlikni tavsiflovchi, uni bevosita yoki bilvosita identifikatsiyalash imkonini beruvchi birlamchi ma'lumotlar;

yig'ma statistika ma'lumotlari – statistik birlikni bevosita yoki bilvosita identifikatsiyalash imkonini bermaydigan, individual va/yoki birlamchi ma'lumotlar asosida umumlashtirilgan statistika ma'lumotlari.

reyestr – Statistika dasturini bajarilishi davomida tayyorlangan yig'ma statistika ma'lumotlari bepul taqdim etiladigan vazirlik va idoralar to'g'risidagi, zarurat tug'ilganda yangilanib boriladigan ma'lumotlarni o'z ichiga oluvchi tizimlashtirilgan ro'yxat.

3. Vazirlik, idoralar va xo'jalik yurituvchi subyektlarning o'z vakolatlarini amalga oshirishlari uchun zarur bo'lgan, Statistika dasturida ko'zda tutilgan rasmiy statistika ma'lumotlari reyestrغا kiritilgan vazirlik, idoralar va xo'jalik yurituvchi subyektlarga bepul taqdim etib boriladi.

4. Vazirlik, idoralar va xo'jalik yurituvchi subyektlarga rasmiy statistika ma'lumotlarini tarqatish, Statistika agentligi markaziy apparati bo'linmalari tomonidan, Reyestrغا qat'iy rioya qilgan holda amalga oshiriladi.

5. Reyestr maxsus dasturiy-texnik vositalardan foydalangan holda elektron shaklda yuritiladi hamda vazirlik, idoralar va xo'jalik yurituvchi subyektlar to'g'risida mazkur Reglament ilovasida ko'rsatilgan asosiy ma'lumotlarni o'z ichiga oladi.

6. Reyestr Statistika agentligi tizimi xodimlari tomonidan taqdim qilinadigan rasmiy statistika ma'lumotlarining tarqatish manzillari ro'yxatini shakllantirishda hamda Statistika dasturi asosida tayyorlanadigan axborotlarning o'z vaqtida taqdim qilinishini nazorat qilishda foydalaniladi.

2-bob. Reyestrni yuritish

7. Vazirlik, idoralar va xo'jalik yurituvchi subyektlarni reyestrغا kiritish, O'zbekiston Respublikasi Prezidenti Farmonlari va qarorlari, O'zbekiston Respublikasi Vazirlar Mahkamasi qarorlari va topshiriqlari, shuningdek, vazirlik va idoralarning yozma murojaatlariga asosan amalga oshiriladi.

8. Reyestrni yuritishda, quyidagi hollarda ma'lumotlarning elektron bazasiga tegishli o'zgartirishlar kiritiladi:

a) vazirlik, idora, xo'jalik yurituvchi subyektni Reyestrغا kiritish bo'yicha O'zbekiston Respublikasi Prezidentining Farmonlari va qarorlari, O'zbekiston Respublikasi Vazirlar Mahkamasi qarorlari va topshiriqlari qabul qilinganda;

b) Reyestrغا kiritilgan vazirlik, idora, xo'jalik yurituvchi subyekt tugatilganda (qayta tashkil qilinganda);

d) vazirlik yoki idoraning doimiy ravishda rasmiy statistika ma'lumotini taqdim etib borish to'g'risida Statistika agentligiga berilgan yozma murojaatiga ko'ra, Statistika agentligi direktorining tegishli ko'rsatmasi bilan;

e) Har yili tasdiqlanadigan Statistika dasturiga muvofiq.

9. Yig'ma-axborot ishlari boshqarmasi:

Reyestrning elektron ma'lumotlar bazasini yuritish va ushbu Reglamentning 8-bandida ko'rsatilgan holatlarda, unga o'z vaqtida o'zgartirishlar kiritish bo'yicha ishlarni muvofiqlashtiradi;

Reyestrni yuritish uchun dasturiy ta'minotni takomillashtirish bo'yicha takliflar tayyorlaydi;

Statistika agentligi markaziy apparati bo'limlarining vazirlik, idora va xo'jalik yurituvchi subyektlarga rasmiy statistika ma'lumotlarini ushbu Reglament talablariga qat'iy rioya qilgan holda bepul taqdim etilishi bo'yicha faoliyatlarini monitoring qilish ishlarini amalga oshiradi.

10. Statistika ishlarini tashkil etish va metodologiya boshqarmasi:

har yili Statistika dasturidagi o'zgarishlar to'g'risida ma'lumotlarni Yig'ma-axborot ishlari boshqarmasiga taqdim qiladi;

reyestrğa muvofiq tarqatiladigan rasmiy statistika ma'lumotlari bo'yicha tasniflash xos raqamlarini belgilanishini ta'minlaydi.

11. Axborot va kiberxavfsizlikni ta'minlash boshqarmasi:

Reyestrni yuritish bo'yicha dasturiy ta'minotni tizimli boshqaruvini va takomillashtirishni amalga oshiradi;

Statistika agentligining mas'ul xodimlariga, ruxsat darajasiga muvofiq, Reyestrning axborot fondini ko'rish uchun foydalanish imkoniyatini ta'minlaydi;

Reyestr axborot fondidan zaxira nusxa ko'chirilishini va uning arxiv saqlovini, shuningdek, axborot xavfsizligini ta'minlaydi.

12. Jismoniy va yuridik shaxslarning murojaatlari bilan ishlash va ijro intizomi nazorati boshqarmasi:

Reyestrğa kiritilgan vazirlik, idora va xo'jalik yurituvchi subyektlarga, tegishli rasmiy statistika ma'lumotlarini qog'oz ko'rinishida yoki elektron shaklda tegishli manzillar bo'yicha o'z vaqtida tarqatilishini;

elektron shaklda yuborilgan rasmiy statistika ma'lumotlarini vazirlik va idoralar tomonidan olinganligini tekshirib borilishini ta'minlaydi.

13. Statistika agentligi markaziy apparati bo'limlari Statistika dasturiga muvofiq rasmiy statistika ma'lumotlarini tayyorlash bo'yicha ishlarni tashkil etilishini ta'minlaydilar va ularni ushbu Reglament talablariga rioya etgan holda tarqatilishi uchun Jismoniy va yuridik shaxslarning murojaatlari bilan ishlash va ijro intizomi nazorati boshqarmasiga taqdim etadilar.

3-bob. Yakuniy qoidalar

14. Ushbu Reglament vazirlik, idora va xo'jalik yurituvchi subyektlarga Reyestrğa kiritilgan, Statistika dasturi asosida tayyorlangan, statistik byulletenlar va jadvallarni bepul taqdim etishni nazarda tutadi.

15. Statistika agentligiga bevosita yoki boshqa manbalardan murojaat qilgan jismoniy va yuridik shaxslarga, rasmiy statistika ma'lumotlari, belgilangan tartibda va Statistika dasturida belgilangan muddatlarda "Jismoniy va yuridik shaxslarning murojaatlari to'g'risida"gi Qonunda belgilangan tartibda taqdim etiladi.

16. Reyestrğa muvofiq, tarqatilishi lozim bo'lgan rasmiy statistika ma'lumotlarini vazirlik, idora va xo'jalik yurituvchi subyektlarga ushbu Reglament talablariga rioya qilgan holda taqdim etishga Statistika agentligi boshqarma (bo'lim) boshliqlari javobgardirlar.

17. Mazkur uslubiy hujjatni ishlab chiqish, kelishish, tasdiqlash va amaliyotga joriy qilish bosqichlari "Statistik ma'lumotlarni taqdim etishning universal modeli" (GSIM – Generic Statistical Information Model) talablari asosida ishlab chiqilgan "Statistika sohasida tasniflar, metodologiyalar va kuzatuv shakllarini ishlab chiqish va tasdiqlash bo'yicha namunaviy uslubiy qo'llanma"ga muvofiq amalga oshirilgan.

O'zbekiston Respublikasi Prezidenti
huzuridagi Statistika agentligining
Rasmiy statistika ma'lumotlarini
majburiy tarqatish reyestrini
yuritish reglamentiga ilova

**O'zbekiston Respublikasi Prezidenti huzuridagi Statistika
agentligining Rasmiy statistika ma'lumotlarini majburiy tarqatish
reyestri tuzilmasi**

№	Satr nomi
1.	Vazirlik, idora, xo'jalik yurituvchi subyektning identifikatsion xos raqami (STIR)
2.	Vazirlik, idora, xo'jalik yurituvchi subyektning nomi
3.	Vazirlik, idora, xo'jalik yurituvchi subyektning idoraviy mansubligi (DBIBT)
4.	Vazirlik, idora, xo'jalik yurituvchi subyektni Reyestrda kiritish uchun asos bo'ladigan hujjatning nomi, qabul qilingan sanasi va tartib raqami
5.	Majburiy tarqatmaning xos raqami (jadval, statistik byulleten va h.k.)
6.	Rasmiy statistika ma'lumotlarini tarqatish shaklining xos raqami (qog'oz ko'rinishda, elektron shaklda)
7.	Reyestrni Statistika dasturining ma'lumotlar bazasi xos raqamlari bilan o'zaro bog'lash uchun yordamchi xos raqamlar